

Roinn na Nua-Ghaeilge Ollscoil Mhá Nuad



Lámhleabhar an MA sa Nua-Ghaeilge

2021-22

CLÁR

Réamhrá.....	3
Aidhm.....	3
<i>Leagan amach an chúrsa.....</i>	<i>3</i>
Modúil riachtanacha.....	3
Modúil roghnacha.....	4
Modúil i ranna eile.....	4
Measúnú	4
An cúrsa lánaimseartha	5
An cúrsa páirtaimseartha	5
Freastal, réiteach agus rannpháirtíocht	5
<i>Miontráchtas</i>	<i>5</i>
Ábhar a chur faoi bhráid na Roinne	6
Bradaíl.....	6
<i>An Diplóma Iarchéime sa Nua-Ghaeilge</i>	<i>6</i>
Imeachtaí Acadúla.....	7
Comhordaitheoir an MA	7
<i>CLÁR AMA 2021-22</i>	<i>8</i>
<i>Modúil 2021-22</i>	<i>10</i>
NG606 Modheolaíocht 1	10
NG609 Ceird an Aistriúcháin	10
NG616 Modheolaíocht 2	11
NG622 Filíocht an 19ú haois agus Sochaí na hÉireann	11
NG623 Béaloideas na hÉireann agus Coimisiún Béaloideas Éireann	12
NG630 An Ghaeilge sna Meáin ó 2RN go dtí an Ré Dhigiteach.....	12
NG626 Eagrú agus Eagarthóireacht	12
NG628 An Ghaeilge Scríofa.....	13
NG629 Cruinneas agus Ceart na Gaeilge.....	13
NG631 An Scríbhneoireacht Ghairmiúil.....	14
NG632 An Nua-Ghaeilge Mhoch agus Traidisiún na Lámhscríbhinní.....	14
NG633 Litríocht agus Critic Chomhaimseartha na Gaeilge.....	14
NG635 Féile Bheag	15
NG636 Taighde Dána	15

Réamhrá

Cuireann Roinn na Nua-Ghaeilge fáilte mhór romhat, is cuma más mac léinn a rinne do bhunchéim anseo tú nó má bhí tú ag freastal ar ollscoil eile roimh theacht anseo duit. Is mór againn gur roghnaigh tú Ollscoil Mhá Nuad, le tabhairt faoi do chuid staidéir iarchéime agus tá súil againn go mbainfidh tú taitneamh agus tairbhe as an tréimhse a chaithfidh tú linn.

Aidhm

Is é aidhm an M.A. againn go gcuirfidh mic léinn eolas domhain ar roinnt gnéithe de theanga agus de litríocht na Nua-Ghaeilge (ó 1200 AD i leith) agus go mbeidh saineolas acu ar réimse amháin díobh sin de bharr a gcuid taighde. Tá sé mar aidhm leis an gcúrsa go bhfoghlaimeoidh siad modhanna taighde agus go bhforbrófar cumas critice agus anailíse iontu.

Leagan amach an chúrsa

Is fiú 90 creidiúint an MA ina hiomláine. Ar mhodúil teagaisc atá 60 creidiúint díobh sin ag dul agus leis an miontráchtas (NG699) nó Togra sa Taighde Ealaíonta (NG637) a bhaineann an fúilleach (30). Tugtar rogha duit idir NG699 agus NG637. Tá modúil 10 gcreidiúint (ECTS) agus modúil 5 chreidiúint (ECTS) againn.

Modúil riachtanacha

Tá 30 creidiúint san iomlán ag dul do na modúil riachtanacha. Is gá clárú do na modúil riachtanacha seo a leanas:

CÓD	TEIDEAL	CREIDIÚINTÍ	SEIMEASTAR
NG628	An Ghaeilge Scríofa	10	1
NG606	Modheolaíocht 1	5	1
NG629	Cruinneas agus ceart na Gaeilge	10	2
NG616	Modheolaíocht 2	5	2

Modúil roghnacha

Tá 30 creidiúint le déanamh suas ó na modúil roghnacha seo a leanas. Ba chóir modúil a roghnú as an liosta seo a leanas ionas go mbeidh 15 chreidiúint san iomlán agat i ngach seimeastar:

CÓD	TEIDEAL	CREIDIÚINTÍ	SEIMEASTAR
NG630	An Ghaeilge sna meáin ó 2RN go dtí an ré dhigiteach	10	1
NG632	An Nua-Ghaeilge Mhoch agus traidisiún na lámhscríbhinní	10	1
NG631	An Scríbhneoireacht Ghairmiúil	10	2
NG622	Filíocht na Gaeilge agus sochaí na hÉireann sa 19ú haois	5	1
NG623	Béaloideas na Gaeilge agus Coimisiún Béaloideas Éireann	5	2
NG609	Ceird an aistriúcháin	5	2
NG626	Eagrú agus eagarthóireacht	5	
NG633	Litríocht agus Critic Chomhaimseartha na Gaeilge	10	2
NG635	Féile Bheag	10	1&2
NG636	Taighde Dána	10	1

Modúil i ranna eile

Is féidir modúl roghnach amháin a dhéanamh le roinn eile de chuid na hOllscoile ach an modúl sin a bheith luaite leis an chúrsa cheana. Ní mór an rogha seo a chur i gcead Stiúrthóir an Chúrsa, an tOll. Fionntán de Brún fionntan.debrun@mu.ie

Measúnú

Aonad neamhspleách is ea gach modúl agus baineann a chóras measúnaithe féin leis: scrúdú, móraiste, tionscnaimh, cur i láthair nó meascán de na modhanna measúnaithe seo. Tugtar eolas faoi mheasúnú sa chur síos ar na modúil thíos.

An cúrsa lánaimseartha

Déanfaidh tú iomlán na modúl i gcaitheamh na bliana maille leis an miontráchtas a scríobh. Ní mór an chéad dréacht den mhiontráchtas ina iomláine a bheith ag an stiúrthóir ar a laghad sé seachtaine roimh an spriocdháta, **23 Meán Fómhair 2021**.

Féach: <https://www.maynoothuniversity.ie/exams/postgraduate-information>

An cúrsa páirtaimseartha

Déanfaidh tú leath na modúl i gcaitheamh na chéad bhliana maille le taighde ar an tráchtas. Sa dara bliain, déanfaidh tú na modúil atá fágtha agus críochnóidh tú an tráchtas. Ní mór an chéad dréacht den mhiontráchtas ina iomláine a bheith ag an stiúrthóir ar a laghad sé seachtaine roimh an spriocdháta (23 Meán Fómhair 2022).

Féach: <https://www.maynoothuniversity.ie/exams/postgraduate-information>

Freastal, réiteach agus rannpháirtíocht

Beifear ag súil leis go mbeidh tú i láthair ag an ranganna/seimineáir uilig agus go mbeidh an réiteach cuí déanta agat lena n-aghaidh. Ina cheann sin, beifear ag súil leis go nglacfaidh tú páirt ghníomhach sa phlé agus sa díospóireacht ar cuid bhunúsach den chúrsa iad. Iarrfar ar mhic léinn cur i láthair a dhéanamh i gcuid de na modúil.

Is mar sheimineáir atá cuid mhaith de na cúrsaí seo á cur ar fáil. Fágann sin go mbeifear ag súil le rannpháirtíocht ó na mic léinn. Beifear ag súil leis go mbeidh léitheoireacht fhairsing déanta acu ar ábhar na gcúrsaí éagsúla agus go mbeidh fianaise ar an léitheoireacht sin le feiceáil ina gcuid oibre i gcaitheamh na bliana mar aon lena rannpháirtíocht sa rang.

Miontráchtas

Tráchtas 15,000-20,000 focal a scríobhfaidh an mac léinn. Roghnófar ábhar an tráchtais i gcomhpháirt le ball de Roinn na Nua-Ghaeilge a bheidh mar stiúrthóir pearsanta ar an obair. Ní mór don stiúrthóir a bheith sásta go bhfuil na scileanna cuí ag an mac léinn le tabhairt faoi ábhar an tráchtais. Ar shocrú ar ábhar feiliúnach dóibh, beidh cruinnithe rialta ag an mac léinn agus ag an stiúrthóir le dul chun cinn na hoibre a mheas. Beifear ag súil le caighdeán ard acadúil ó thaobh teanga, leagain amach, tagairtí agus plé sa saothar seo. **Ní mór ábhar an mhiontráchtais a bheith socraithe ag an mac léinn faoi 12 Samhain 2021 agus é sin deimhnithe leis an stiúrthóir pearsanta agus le hOllamh na Nua-Ghaeilge.**

I measc na n-ábhar ar scríobh mic léinn tráchtais orthu le blianta beaga anuas tá: An Teangeolaíocht Fheidhmeach, An Fhiannaíocht, Logainmneacha, An Drámaíocht, An Gearrscéal, an tÚrscéal, An Nua-Ghaeilge Mhoch (filíocht agus próis), Filíocht na hOchtú Aoise Déag, An Iriseoireacht, Béaloideas, Curaclam na Gaeilge.

Ábhar a chur faoi bhráid na Roinne

Saothair acadúla ar leibhéal iarchéime atá sna saothair uilig a chuirfidh mic léinn na céime MA faoi bhráid na Roinne. Is den mhórhábhacht go gcuirfí na saothair seo i láthair go slachtmhar, go háirithe ó thaobh na teanga agus an leagain amach, go mbeadh córas ceart tagairtí in úsáid agus go mbeadh an córas sin de réir a chéile. **Beifear ag súil leis go mbeidh an Ghaeilge scríofa ar chaighdeán iarchéime.** Meabhraítear do mhic léinn nach nglacfar le hobair nach bhfuil ar an gcaighdeán sin agus nach mbeidh cead an miontráchtas a chur faoi bhráid na hOllscoile/ na scrúdaitheoirí sa chás go dtabharfadh an stiúrthóir pearsanta le fios nach bhfuil an caighdeán cuí bainte amach. **Chuige sin ní mór toiliú scríofa an stiúrthóra pearsanta a fháil sula gcuirfear an tráchtas faoi bhráid na hOllscoile/ na scrúdaitheoirí.**

Bradáil

Tá polasaí láidir ag an Ollscoil i gcoinne na bradaíola (*plagiarism*). Moltar do mhic léinn na Roinne iad féin a chur ar an eolas faoin bpolasaí seo agus gan aon obair nach leo féin go hiomlán í a chur faoi bhráid na Roinne. Má tá amhras ar mhac léinn ina thaobh seo, féadfaidh sé/sí labhairt lena stiúrthóir pearsanta nó le teagascóir an mhodúil chuí. Is féidir teacht ar pholasaí na hOllscoile i leith na bradaíola faoin mír ‘Plagiarism’ ag:

<https://www.maynoothuniversity.ie/university-policies/rules-regulations-students>

An Diplóma Iarchéime sa Nua-Ghaeilge

Sa chás go mbeadh pas faighte ag mac léinn i scrúduithe an chúrsa ach nach n-éireodh léi/leis an tráchtas a chríochnú go sásúil, féadfar Diplóma Iarchéime sa Nua-Ghaeilge a bhronnadh ar an mac léinn sin.

Imeachtaí Acadúla

Taobh amuigh de na léachtaí, de na seimineáir agus de léachtaí ócáidiúla a bheas ar siúl ó am go chéile, moltar do mhic léinn freastal ar na hócáidí taighde agus litríochta a bhíonn ar siúl i gcaitheamh na bliana. Is bealach maith é seo leis an eolas atá agat a fhairsingiú, le tuairimí eile a chloisteáil, agus le haithne a chur ar thaighdeoirí eile. I measc na n-imeachtaí sin, tá: *Léachtaí Cholm Cille* (Márta/Aibreán; Maigh Nuad), *An Chomhdháil ar Litríocht agus ar Chultúr na Gaeilge* (Deireadh Fómhair; Gaillimh), *An Tionól* (Institiúid Ard-Léinn Bhaile Átha Cliath, Mí na Samhna), *An Chomhdháil ar Theangeolaíocht na Gaeilge* (ollscoil éagsúil gach bliain; Aibreán) agus *Cumann na Sgríbhéann nGaedhilge* (Mí na Samhna; Corcaigh).

Comhordaitheoir an MA

Is é an tOllamh Fionntán de Brún fionntan.debrun@mu.ie comhordaitheoir ginearálta an MA. Sa chás go bhfuil aon cheist agat a bhaineann leis an MA, is cóir labhairt leis an Ollamh de Brún ina taobh.

CLÁR AMA 2021-22

SEIMEASTAR 1

Modúl	Ainm	Lá agus Am	Áit	Léachtóir	ECTS
NG635	Féile Bheag	Féach thíos*		Triona Ní Shíocháin	10
NG630	An Ghaeilge agus na Meáin	Luan 4-6	PB2	Pádhraic Ó Ciardha	10
NG628	An Ghaeilge Scríofa	Máirt 11-1	SE235	Brian Ó Catháin	10
NG636	Taighde Dána	Máirt 2-5 Féach thíos**	RYE/RYE1	Triona Ní Shíocháin	10
NG606	Modheolaíocht 1	Déardaoin 5-6	T8	Eoghan Ó Raghallaigh	5

SEIMEASTAR 2

Modúl	Ainm	Am	Áit	Léachtóir	ECTS
NG635	Féile Bheag	Féach thíos*		Triona Ní Shíocháin	10
NG629	Cruinneas agus Ceart na Gaeilge	Céadaoin 11-1	EH	Brian Ó Catháin	10
NG616	Modheolaíocht 2	Déardaoin 3-4	PB2	Fionntán de Brún	5
NG623	Béaloideas na hÉireann/CBÉ	Déardaoin 4-5	T4	Fionntán de Brún	
NG609	Ceird an Aistriúcháin	Déardaoin 5-6	T6	Tracey Ní Mhaonaigh	5
NG626	Eagrú agus Eagarthóireacht		ar líne	Tracey Ní Mhaonaigh	5

***NG635 Féile Bheag**

Seimeastar 1. Seomra: PB1.

Seachtain 1 (20-24/09/21): Dé Máirt 2-3pm
Seachtain 2 2 (27/08-01/10/21): Dé Máirt 2-3pm
Seachtain 4 (11-15/10/2021): Dé Máirt 2-3pm
Seachtain 7 (08-12/11/2021): Dé Máirt 2-3pm
Seachtain 8 (15-20/11/2021): Dé Máirt 2-3pm
Seachtain 10 (29/11-03/12/2021): Dé Máirt 2-3pm
Seachtain 11 (06-10/12/2021): Dé Máirt 2-3pm

Seimeastar 2. Seomra: PB2

Seachtain 2 (07-11/2/21): Dé Luain 3-4
Seachtain 3 (14-18/02/2021): Dé Luain 3-4
Seachtain 4 (21-25/02/2021): Dé Luain 3-4
Seachtain 5 (28/02-03/2021): Dé Luain 3-4
Seachtain 11 (25-29/04/2021): Dé Luain 3-4

****NG636 Taighde Dána**

Is ar na laethanta so a bheidh ranganna an tseimeastair ar siúl:

Seachtain 3: Dé Máirt 05 Deireadh Fómhair 2pm-5pm
Seachtain 5: Dé Máirt 19 Deireadh Fómhair 2pm-5pm
Seachtain 6: Dé Máirt 02 Samhain 2pm-5pm
Seachtain 9: Dé Máirt 23 Samhain 2pm-5pm

Beidh an tionól dhá lá Taighde Dána gur cuid de NG636 é ar siúl **Dé hAoine 08 Deireadh Fómhair** agus **Dé Sathairn 09 Deireadh Fómhair**.

Modúil 2021-22

Gheofar gearrchuntas thíos ar ábhar agus ar riachtanais mhodúil na bliana seo. Is de réir ord uimhreach atá na modúil leagtha amach.

NG606 Modheolaíocht 1 5 ECTS

Comhordaitheoir: Eoghan Ó Raghallaigh Seimeastar: 1

Teagasc: 10 seimineár x 50 nóiméad

Measúnú: Measúnú leanúnach 100% (5 thasc scríofa, 20% an ceann)

Is modúl riachtanach é seo. Is éard is aidhm leis an gcúrsa seo go sealbhódh mic léinn scileanna riachtanacha acadúla i dtreo is go mbeidh siad inniúil ar thabhairt faoi thaighde as a gconlán féin. Chuige sin breathnófar ar chórais thagartha, ar leabharliostaí, ar fhoinsí, ar mhodhanna taighde, agus ar réimsí eile d’obair an taighdeora. Bunófar an measúnú leanúnach ar 5 thasc scríofa a bheidh le déanamh ag gach mac léinn. Réiteach tábhachtach atá sa chúrsa seo agus in NG616 don mhiontráchtas a bheidh le scríobh ag gach mac léinn. Ar an ábhar sin, beifear ag súil leis go mbainfidh mic léinn leas as na scileanna a shealbhóidh siad le linn na ranganna seo ina gcuid tionscnamh agus aistí agus sa mhiontráchtas féin.

NG609 Ceird an Aistriúcháin 5 ECTS

Comhordaitheoir: Tracey Ní Mhaonaigh Seimeastar: 2

Teagasc: 10 Seimineár x 50 nóiméad

Measúnú: Measúnú Leanúnach: 100%

Sa chúrsa seo, breathnófar ar cheird (agus ar ealaíon) an aistritheora. Ó tugadh stádas oifigiúil mar theanga laethúil in Éirinn don Ghaeilge ag Acht na dTeangacha agus ag Aontas na hEorpa, tá éileamh mór ar sheirbhísí aistriúcháin, go háirithe ó Bhéarla go Gaeilge. Cuirfear béim, mar sin, ar an aistriúchán ó Bhéarla go Gaeilge agus ar an gcineál ábhair a iarrtar ar aistritheoir na linne seo a aistriú e.g. cáipéisí oifigiúla agus dlí, cáipéisí a bhaineann le gnó agus teicneolaíocht etc. Scrúdófar

modhanna an aistritheora Gaeilge agus na háiseanna atá ar fáil dó/di mar aon lena mbuanna agus a laigí.

NG616 Modheolaíocht 2

5 ECTS

Comhordaitheoir: Fionntán de Brún

Seimeastar: 2

Teagasc: 10 seimineár x 50 nóiméad

Measúnú: Measúnú leanúnach 100% (leabharliosta anótáilte 50%, cur i láthair 50%)

Is é an aidhm atá leis an modúl seo tógáil ar na scileanna atá sealbhaithe in NG606. Leagfar béim ar leith ar an scríbhneoireacht acadúil ó thaobh stíle agus cur chuige de. Déanfar léamh, mionscagadh agus plé criticiúil ar roinnt téacsanna agus alt a bhaineann le réimsí éagsúla léinn. Bunófar an measúnú leanúnach ar:

(a) leabharliosta anótáilte (Seachtain 7)

(b) cur i láthair substaintiúil ar ábhar an tráchtais (Seachtain 9/10)

Beidh an leabharliosta le críochnú i seachtain 7 agus déanfar an cur i láthair le linn sheachtain 9/10.

NG622 Filíocht an 19ú haois agus Sochaí na hÉireann

5 ECTS

Comhordaitheoir: Fionntán de Brún

Seimeastar: 1

Teagasc: 10 seimineár x 50 nóiméad

Measúnú: Measúnú leanúnach 100%

Is é is aidhm don mhodúl seo filíocht Ghaeilge an 19ú haois a phlé d'fhonn léargas a fháil ar ghnéithe de shochaí na hÉireann sa 19ú haois. Chuige sin déanfar scrúdú ar réimse dánta le filí éagsúla, orthu sin, Antaine Raiftearaí, Aodh Mac Domhnaill, Máire Bhuí Ní Laoghaire agus Dálaigh Rann na Feirste. Féachfar le cúrsaí na linne sin a thuiscint trí shúile na bhfilí a bhí suas sa 19ú haois agus tabharfar aird dá réir ar an pholaitíocht náisiúnta agus áitiúil, ar iarmhairtí an Ghorta Mhóir, ar aighneas na Scoileanna Bíobla agus eile.

NG623 **Béaloideas na hÉireann agus Coimisiún Béaloideasa Éireann 5 ECTS**

Comhordaitheoir: Fionntán de Brún

Seimeastar: 2

Teagasc: 10 seimineár x 50 nóiméad

Measúnú: Measúnú leanúnach 100%

Pléifear dála thraidisiún béaloidis na Gaeilge sa 20ú haois, na hiarrachtaí a rinneadh chun an traidisiún sin a chaomhnú agus an díospóireacht a spreag bunú Choimisiún Béaloideasa Éireann. Pléifear an tuiscint a bhí ag bailitheoirí CBÉ ar an traidisiún béaloidis, an obair ghoirt agus na modhanna oibre a chleacht siad agus an chiall a bhí acu d'fhís an Choimisiúin. I measc na gceisteanna a chíorfear, pléifear an rud is traidisiún ann agus an tionchar a bhíonn ag bailiú an bhéaloidis ar an traidisiún agus ar a sheachadadh.

NG630 **An Ghaeilge sna Meáin ó 2RN go dtí an Ré Dhigiteach** **10 ECTS**

Comhordaitheoir: Pádraic Ó Ciardha

Seimeastar: 1

Teagasc: 20 rang x 50 nóiméad

Measúnú: Measúnú leanúnach 100%

Pléifear dúshlán na teanga sa tréimhse ó na mórmheáin nua a tháinig chun cinn díreach tar éis ré na hAthbheochana: 2RN go Radio Éireann, Amharc Éireann, Mise Éire agus iarracht Ghael Linn cead an Rialtais a fháil an tseirbhís nua teilifíse a bhunú. Lena chois sin, déanfar plé ar Telefís Éireann agus an geall a briseadh. Déanfar luacháil ar an ré órga sin ó Raidió na Gaeltachta go TG4 agus déanfar cíoradh ar an réabhlóid dhigiteach, baol nó deis?

NG626 **Eagrú agus Eagarthóireacht** **5 ECTS**

Comhordaitheoir: Tracey Ní Mhaonaigh

Seimeastar: 1

Teagasc: Obair leanúnach a dhéanfar i gcomhar le comhordaitheoir an mhodúil

Measúnú: Measúnú leanúnach 100%

Is ar an bhfoilseachán stairiúil *Irisleabhar Mhá Nuad* a bheidh mic léinn an mhodúil seo ag obair. Tabharfar deis dóibh baint lárnach a bheith acu le téacs a réiteach don chló, agus ábhar á bhailiú, á leagan amach agus á chur in eagar acu. Is i bhfoirm cruinnithe eagarthóireachta a dhéanfar an modúl seo a reáchtáil.

NG628 An Ghaeilge Scríofa

10 ECTS

Comhordaitheoir: Brian Ó Catháin

Seimeastar: 1

Teagasc: 24 seimineár x 50 nóiméad

Measúnú: scrúdú ollscoile (70%) agus measúnú leanúnach (30%).

Féachfar sa mhodúl seo le scileanna teanga an mhic léinn a fhorbairt ag leibhéal iarchéime. Leagfar béim, dá réir sin, ar ghnéithe casta faoi leith de ghramadach na Gaeilge. Pléifear na háiseanna cuí leictreonacha a chuideos leis an mac léinn i réimse na teanga. Iarrfar ar an mac léinn cleachtaí cuí agus aistriúcháin ar ábhair éagsúla a réiteach – is orthu seo a bhunófar marc an mheasúnaithe leanúnaigh. Buntéacsleabhar: Graiméar Gaeilge na mBráithre Críostaí. An Gúm: Baile Átha Cliath (1999). Leagan leictreonach ar fáil ag:

http://www.scriobh.ie/ScriobhIe/Media/Graimear%20Gaeilge%20na%20mBraithre%20Criostai_Eag1999.pdf

NG629 Cruinneas agus Ceart na Gaeilge

10 ECTS

Comhordaitheoir: Brian Ó Catháin

Seimeastar: 2

Teagasc: 24 seimineár x 50 nóiméad

Measúnú: scrúdú ollscoile (70%) agus measúnú leanúnach (30%).

Féachfar sa mhodúl seo le cruinneas teanga an mhic léinn a fhorbairt ag leibhéal iarchéime. Leagfar béim, dá réir sin, ar ghnéithe faoi leith d'fhuaimniú agus de scríobh na Gaeilge. Pléifear go mion sleachta éagsúla Gaeilge ó thaobh na brí agus na gramadaí. Díreofar ar roinnt áiseanna cuí leictreonacha/ téacsanna a chuideos leis an mac léinn dul i dtaithe ar bhlas agus ar dhul ceart na Gaeilge. Iarrfar ar an mac léinn cleachtaí cuí agus aistriúcháin ar ábhair éagsúla a réiteach – is orthu seo a bhunófar marc an mheasúnaithe leanúnaigh.

Measúnú: scrúdú ollscoile (70%) agus measúnú leanúnach (30%).

Buntéacsleabhar: *Graiméar Gaeilge na mBráithre Críostaí*. An Gúm: Baile Átha Cliath (1999). Leagan leictreonach ar fáil ag:

http://www.scriobh.ie/ScriobhIe/Media/Graiméar%20Gaeilge%20na%20mBraithre%20Críostaí_Eag1999.pdf

NG631 An Scríbhneoireacht Ghairmiúil 10 ECTS

Comhordaitheoir: Fionntán de Brún Seimeastar: 2

Teagasc: 24 rang x 50 nóiméad

Measúnú: Measúnú leanúnach 100%

Díreofar ar scileanna na scríbhneoireachta gairmiúla agus leagfar béim ar leith, dá réir sin, ar na riachtanais a bhaineann leis an iriseoireacht, an scríbhneoireacht scrípte agus an scríbhneoireacht léannta. Chuige sin, díreofar ar thascanna praiticiúla scríbhneoireachta d'fhonn taithí a fháil ar an scríbhneoireacht ghairmiúil i gcomhthéacsanna éagsúla. Beidh aoiléachtóirí againn a bhfuil saineolas acu ar ghnéithe áirithe den scríbhneoireacht ghairmiúil, ina measc sin, Liam Mac Cóil agus Phádhraic Ó Ciardha.

NG632 An Nua-Ghaeilge Mhoch agus Traidisiún na Lámhscríbhinní 10 ECTS

Comhordaitheoir: Eoghan Ó Raghallaigh/Lára Ní Mhaoláin Seimeastar: 1

Teagasc: 24 rang x 50 nóiméad

Measúnú: Measúnú leanúnach 100%

Breathnófar ar theanga agus ar litríocht na Nua-Ghaeilge Moiche agus déanfar anailís ar théacs(anna) filíochta agus/nó próis. Breathnófar freisin ar thraidisiún lámhscríbhinní na Gaeilge agus múinfear léamh lámhscríbhinní.

NG633 Litríocht agus Critic Chomhaimseartha na Gaeilge 10 ECTS

Comhordaitheoir: Caitlín Nic Íomhair Seimeastar: 2

Teagasc: 24 rang x 50 nóiméad

Measúnú: Measúnú leanúnach 100%

Déanfar plé ar litríocht agus ar chritic chomhaimseartha na Gaeilge sa mhodúl seo d'fhonn scileanna anailíse na mac léinn a fhorbairt agus chun tuiscint na mac léinn ar dhioscúrsa na litríochta agus na critice comhaimseartha Gaeilge a mhéadú. Leagfar béim ar an phlé a dhéanfar sna seimineáir chomh maith leis an obair scríofa a dhéanfar don mhodúl.

NG635 Féile Bheag

10 ECTS

Comhordaitheoir: Tríona Ní Shíocháin

Seimeastar: 1/2

Is modúl praiticiúil é seo ina bhfaighidh mic léinn deis a gcuid scileanna i riarachán na n-ealaíon a fhorbairt trí shocrúchán gearr a dhéanamh le heagras Gaeilge nó pobail agus trí fhéile bheag a dhíríonn ar na healaíona Gaeilge a eagrú agus a rith i gcomhpháirt lena gcomhscoláirí faoi stiúir Roinn na Nua-Ghaeilge. Is gá dul trí phróiseas grinnfhiosrúcháin an Gharda Síochána don mhodúl seo. Féile bheag ar líne a chuirfear i gcrích más gá ag brath ar riachtanaisí sláinte agus slándála i gcomhtheacs paindéime.

NG636 Taighde Dána

10 ECTS

Comhordaitheoir: Tríona Shíocháin

Seimeastar: 1

Teagasc: 24 rang x 50 nóiméad

Measúnú: Measúnú leanúnach 100%

Déanfar cíoradh ar thaibhealaíona agus ar thraidisiúin bhéil na Gaeilge idir theoiric agus chleachtas, agus forbrófar tuiscint na mac léinn ar Léann an Taibhléirithe agus ar Léann na Béalaireachta sa mhodúl. Gheobhaidh na mic léinn cur amach praiticiúil ar thraidisiúin bhéil agus ar thaibhealaíona na Gaeilge chomh maith, agus forbrófar scileanna anailíse agus cumas cruthaitheach na mac léinn in aonacht dá réir sin. Beidh rogha ag an mac léinn gnéithe praiticiúla a bhaineann leis na healaíona traidisiúnta agus/nó comhaimseartha a chur i gcrích mar chuid de mheasúnú an mhodúil seo agus beidh deis ann dá réir do mhic léinn a gcleachtais

chruthaitheacha féin a chur chun cinn trí mheán na Gaeilge. Cuirfear teagasc an mhodúil seo i gcrích ar líne más gá ag brath ar riachtanaisí sláinte agus slándála i gcomhthéacs paindéime.